



Broj: 07-14-732/18
Vogošća, 25.05.2018. godine

Na osnovu člana 69. stav 2. tačka tačka d), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 25.05.2018. godine donio je

ODLUKU
O PONIŠTENJU POSTUPKA JAVNE NABAVKE RADOVA NA IZGRADNJI DISTRIBUTIVNOG
CJEVOVODA DN 100 MM I DN 50 MM U NASELJU DONJA JOŠANICA-UGLJEŠIĆI (IZA WOG-
A), NA PODRUČJU OPĆINE VOGOŠĆA

Član 1.

Poništava se postupak javne nabavke radova na izgradnji distributivnog cjevovoda DN 100 mm i DN 50 mm u naselju Donja Jošanica-Uglješići (iza Wog-a), na području općine Vogošća broj: 07-14-732/18, jer nijedna od primljenih ponuda nije prihvatljiva.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Općinski načelnik je dana 27.04.2018. godine donio Odluku o pokretanju Otvorenog postupka nabavke radova na izgradnji distributivnog cjevovoda DN 100 mm i DN 50 mm u naselju Donja Jošanica-Uglješići (iza Wog-a), na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 07.05.2018. godine pod brojem: 1353-1-3-65-3-36/18.

Sažetak obavještenja o nabavci objavljen je u "Službenom glasniku BiH" broj: 30/18 od 11.05.2018. godine.

Tendersku dokumentaciju sa Portala javnih nabavki BiH je preuzelo 23 (dvadeset i tri) ponuđača. Krajnji rok za dostavu ponuda bio je 23.05.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 23.05.2018. godine.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Sela" d.o.o. Sarajevo	181.102,50	/	/	211.889,93
2	"Hidrom" d.o.o. Vogošća	149.868,50	/	/	175.346,14
3	"Manjo" d.o.o. Sarajevo	155.478,50	/	/	181.909,94

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-732/18 iz maja 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Sela" d.o.o. Sarajevo, ne ispunjava formalno-pravne uslove tražene Tenderskom dokumentacijom iz razloga što je ponuđač na Obrascu za cijenu ponude-Aneksu 2 TD (strana broj 9. Ponude) svojeručno dodao stavku naziva "Betonski radovi" sa finansijskim iznosom za isti.

Tačkom 8.2.1 stav 3. je propisano da Ponuda mora da sadrži sljedeće elemente i to Obrazac za cijenu ponude radova, sačinjen i popunjen u skladu sa šemom koja je data u Aneksu 2. tenderske dokumentacije, ovjeren i potpisan od strane ponuđača, što znači da se na istom ne smije svojeručno ništa dodavati, niti se bilo koja od predviđenih stavki smije ostaviti nepopunjena i ne smije se vršiti bilo kakva prepravka zadatih obrazaca.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

- II. Ponuda ponuđača "Hidrom" d.o.o. Vogošća, ne ispunjava formalno-pravne uslove tražene Tenderskom dokumentacijom iz razloga što je ponuđač na Obrascu za cijenu ponude-Aneksu 2 TD (strana broj 15. Ponude) u tabelarnom prikazu svojeručno dodao stavku naziva "Betonski radovi" sa finansijskim iznosom za isti.

Tačkom 8.2.1 stav 3. je propisano da Ponuda mora da sadrži sljedeće elemente i to Obrazac za cijenu ponude radova, sačinjen i popunjen u skladu sa šemom koja je data u Aneksu 2. tenderske dokumentacije, ovjeren i potpisan od strane ponuđača, što znači da se na istom ne smije svojeručno ništa dodavati, niti se bilo koja od predviđenih stavki smije ostaviti nepopunjena i ne smije se vršiti bilo kakva prepravka zadatih obrazaca.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Prilikom pregleda i evaluacije ponuda Komisija za javne nabavke je utvrdila da u Obrascu za cijenu ponude-Aneks 2 TD-u dijelu tehničke specifikacije postoji greška jer je u sublimarnom dijelu izostavljena stavka naziva Betonski radovi. Činjenica je da Ponuđači koji su dostavili ponude ("Sela" d.o.o. Sarajevo i "Hidrom" d.o.o. Vogošća) nisu blagovremeno uputili upit odnosno prigovor da postoji navedena greška kako bi Ugovorni organ mogao istu ispraviti i eventualno produžiti rok za dostavljanje ponuda, već su svojeručno dodavali stavke na Obrascu za cijenu ponude.

III. Ponuda ponuđača "Manjo" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 7.4.1.pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova, a između ostalog je traženo da se ima na raspolaganju valjak do 2 tone, tj do 2000 kg.

Ponuđač "Manjo" d.o.o. Sarajevo je u svojoj ponudi (strana 66. Ponude) dostavio kao dokaz Upotrebnu dozvolu za valjak broj: 17-UD-0833-3.19./15 težine 2500 kg.

Komisija za javne nabavke cijeni da dostavljeni dokaz ne zadovoljava zahtjev Ugovornog organa tražen tačkom 7.4.1. pod c) TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke radova na izgradnji distributivnog cjevovoda DN 100 mm i DN 50 mm u naselju Donja Jošanica-Uglješići (iza Wog-a), na području općine Vogošća, iz razloga jer nijedna od primljenih ponuda nije prihvatljiva, a u skladu sa članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Sela" d.o.o. Sarajevo
2. "Hidrom" d.o.o. Vogošća
3. "Manjo" d.o.o. Sarajev
4. Nadležnoj Službi
5. U dosije
6. a/a

033/592-005

033/434-942

033/618-372

OPĆINSKI NAČELNIK

Edin Smajlić